



Broj: 11-05/02-04-22801-71/21
Sarajevo, 10.06.2021. godine

SKUPŠTINA KANTONA SARAJEVO

– ovdje–

PREDMET: Odgovor na zastupničku inicijativu zastupnice – Neira Dizdarević

Zastupnica Neira Dizdarević je Ministarstvu za odgoj i obrazovanje Kantona Sarajevo, na 37. Radnoj sjednici Skupštine Kantona Sarajevo, održanoj 31.05.2021. godine, u okviru tačke dnevnog reda „Poslanička/ zastupnička pitanja, inicijative i odgovori“, u skladu sa članom 213. stav (1) Poslovnika Skupštine Kantona Sarajevo, uputila sljedeću zastupničku inicijativu, citiramo:

„Na osnovu molbe članova porodica šehida i poginulih boraca Armije RbiH upućujem inicijativu za rješavanje problema u vezi sa Prijedlogom Pravilnika sa kriterijima za prijem radnika u radni odnos u obrazovnim ustanovama Kantona Sarajevo, a čijim će eventualnim usvajanjem doći do apsolutne nepravde prema licima iz reda šehidskih porodica koja su danas zaposlena u obrazovnom sistemu, kao i prema onima koji su iz različitih razloga dugi niz godina proveli na birou za zapošljavanje, bespomoćno gledajući kako mnogi prije njih (zasluženo ili ne) dobijaju pravo na posao. Evidentno je da novi Prijedlog sadrži dosta izmjena u odnosu na postojeći, od kojih su neki zaista za pohvaliti (adekvatno bodovanje znanja i uspjeha, prethodnih postignuća i priznanja isl.), a neki s druge strane gotovo u nemoguću misiju dovode kategoriju koja dolazi iz redova šehidskih porodica, koji su dugi niz godina proveli na birou za nezaposlene. Ono na što članovi gorepomenute kategorije žele skrenuti pažnju, tiče se prije svega priznavanja prava na prioritet u zapošljavanju šehidskih porodica. On u kategoriji dopunskih prava kaže da: „Nakon bodovanja na osnovu općih i posebnih kriterija, te nakon provedene kompletne procedure uključujući i intervju, na ukupan broj prethodno ostvarenih bodova u zavisnosti o pripadnosti boračkoj populaciji, dodaju se i dodatni bodovi na način da se na ukupan broj bodova dodaje postotak od istih...“. To je za svaku pohvalu, jer se vidi da postoji jasna namjera da pripadnici šehidskih porodica ostvare dodatne bodove za svoj status. Ono gdje nastaje problem, tiče se momenta u kojem neko ostvaruje pravo da se tretira kao šehidska porodica, gdje se kaže: „Pravo na prvenstvo pri zapošljavanju ostvaruju branioci i članovi njihovih porodica pod sljedećim uslovima: b) Da se nalaze na evidenciji JU Službe za zapošljavanje Kantona Sarajevo, što se



dokazuje Uvjerenjem/Potvrdom iz Člana 18. stav (2) tačka f.) ovog Pravilnika, ili da su zaposleni sa nižom stručnom spremom...". To u praksi znači da osobe koje imaju Ugovor na određeno do kraja školske godine nemaju pravo da ih se tretira kao šehidske porodice, s obzirom da se konkursi objavljuju mjesec dana prije isteka pomenutih ugovora i u momentu objave su ZAPOSLENI (što za mjesec dana neće biti. A gube pravo na status šehidskih porodica). Ovo se vrlo jednostavno može riješiti, tako što će se konkursna procedura ili raspisati po završetku školske godine (nakon čega svakako slijedi raspust) ili da se status pripadnosti šehidskoj porodici utvrdi i prizna kao stalna kategorija, a ne samo na datum objave konkursa, sto je totalni apsurd. Druga problem se tiče prava po osnovu godina provedenih na birou, a po svemu sudeći sada pomenute kategorije neće imati pravo da im se to adekvatno niti prizna. Po dosadašnjem pravilniku, na ime jednog mjeseca provedenog na birou, imali su pravo na 0,20 bodova pri konkursu, a sada se predlaže da se taj broj bodova smanji na 0,06 bodova po mjesecu (i nikako više od 6 bodova maksimalno), a da broj bodova za ostvareni staž ostane isti. To znači da kod osoba koje su provele jako dug period kao nezaposleno lice na evidenciji Zavoda za zapošljavanje veliku diskriminaciju u njihovom slučaju, što ih u startu stavlja u poziciju apsolutnog outsidersa u konkursnoj proceduri."


ODGOVOR:

Ministarstvo za odgoj i obrazovanje je zaprimilo predmetnu inicijativu, te Vas tim povodom obavještavamo da je u toku dio postupka donošenja Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo, koji se odnosi na konsultacije, koje se prema odredbama kolektivnih ugovora za djelatnosti predškolskog, osnovnog i srednjeg obrazovanja, obavljaju sa reprezentativnim sindikatima.

Ministarstvo za odgoj i obrazovanje je, osim primjedbi, prijedloga i sugestija pomenutih sindikata zaprimilo i mišljenja drugih subjekata, koje ćemo, s ciljem donošenja pravilnika koji će biti jednostavniji za primjenu i što pravedniji, razmotriti i predložiti Vladi Kantona Sarajevo da na isti da saglasnost.

U tom smislu, napominjemo da predmetna inicijativa nije jedina vezana za propisivanje dodjele bodova članovima šehidskih porodica i drugim licima koji pripadaju "boračkoj populaciji", i bodova vezanih za vrijeme provedeno na evidenciji službe za zapošljavanje, te će u tom smislu biti i razmatrana.

Ministarstvo za odgoj i obrazovanje smatra da je pomenutim članovima neprecizno regulisana dodjela bodova i prednost pri zapošljavanju te će se isti, u konačnom tekstu, precizirati.



TRICA

Naida Hota-Muminović

Dostavljeno:

1. Naslovu
2. Stručnoj službi Vlade KS
3. Arhivi



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

